



**Claudii Fleurii Abbatis Historia Ecclesiastica**

Ab anno Christi 1400. usque ad annum 1415 - Unacum Dissertatione  
Præliminari Ad Historiam Sæculi XV.

**Fleury, Claude**

**August. Vind. [u.a.], 1767**

**VD18 90118286**

§. 42. Romani factionem Ladislai dispergunt.

---

[urn:nbn:de:hbz:466:1-66281](https://nbn-resolving.de/urn:nbn:de:hbz:466:1-66281)

Sæcul. XV.  
A.C. 1405.

§. XLI.

*Innocentius Papa Viterbum fugit.*

*Raynald.*  
*Contin. Ba-*  
*ron. ad an-*  
*num 1405.*  
*n. 7.*

Non sine gravi periculo, sole ad occa-  
sum jamjam inclinante, Innocentius  
Urbe elapsus est, & tandem post triduanum  
iter Viterbum pervenit, ubi etiam tota  
reliqua anni parte substituit. Hac Ponti-  
ficiis fuga Joannes de Columna opportu-  
nam nactus occasionem Romanum ingre-  
ditur, simulque Pontificium occupat Pa-  
latium, & summo in Urbem imperio u-  
titur, adeo, ut per ironiam Joannes XX,  
perinde ac si foret Pontifex, appellare-  
tur. Cum vero haud diu quietam sibi  
spondere posset urbis possessionem, La-  
dislaum Regem in auxilium vocat, qui  
quemdam Comitem (\*) cum suo exer-  
citu Romam ablegavit, dato negotio, ut  
supremum urbis dominium ipsi vindicaret.

§. XLII.

*Romani factionem Ladislai fugant.*

*Vid. infra*  
*s. XLVI.*

Verum Romani extrema quævis potius  
sustinere parati, quam Regis potesta-  
ti subjici, pro defensione libertatis suæ  
tanta animorum constantia, ac virium ro-  
bore

(\*) Is erat Perretus Troyæ Comes.

bore decertabant, ut Capitolio obsidione Sæcul. XV.  
A.C. 1405.  
cincto, paulo post Columnenses, totam-  
que Ladislai factionem urbe pellerent.  
Judices vero, utpote ob concivium suo-  
rum cædem graviter exulcerati ad Pa-  
pam, ejusque Nepotem acerbas admo-  
dum exarabant epistolas, & dejectis un-  
dique eorum insignibus, se Innocentium  
haud ultra tanquam Pontificem venera-  
turos profitebantur.

### §. XLIII.

*Benedictus Papa in Italiam profectus,  
Genuam venit.*

Dum in Italia hæc geruntur, Benedi-  
ctus Niceæ in Provincia consensa Theod.  
Niem. l. 2.  
c. 28.  
navi, Mense Mayo anno millesimo qua-  
dringentesimo quinto Genuæ appulsus est.  
Civitas hæc eo tempore sub Gallorum  
dominio constituta ab obedientia Inno-  
centii defecit, & suadente Pileo Mari-  
no suo Archiepiscopo, Bonifacii obsequio  
sese addixit. Respublica Pisana secuta  
est Genuensem, auctore Gabriele Maria  
Visconti, seu Vice-Comite, qui supremam  
hujus ditionis potestatem sibi arroga-  
bat. Benedictus Papa Genuæ a Buci-  
caldo supremo militiæ Præfecto, atque  
a Civibus maximis honoribus excipie-  
batur. Verum in hac quoque urbe fini-

D 4                      stræ